

Foras na Gaeilge
Nochtadh Leasanna – Fostaithe

Is cuid thábhachtach de phobal na Gaeilge iad foireann Fhoras na Gaeilge féin agus beidh siad gníomhach in imeachtaí agus le grúpaí áirithe Gaeilge. Aithníonn Foras na Gaeilge na scileanna agus an saineolas a thugann baill foirne chuig na grúpaí seo agus an taití a thugtar ar ais chuig Foras na Gaeilge dá réir. Déanann an polasaí seo iarracht an méid seo a aithint, agus an chosaint chuí a thabhairt don fhoireann agus d'Fhoras na Gaeilge faoi seach.

Polasaí Ginearálta

Is é príomhdhualgas gach fostaí de chuid Fhoras na Gaeilge seirbhís rialta, phoncúil agus shásúil a sholáthar d'Fhoras na Gaeilge. Is sárú ar an Pholasaí seo é aon ghníomhaíocht nó ghnó le linn nó lasmuigh d'uaireanta oibre a imríonn nó a d'fhéadfadh drochthionchar a imirt ar chumas fostaí an dualgas sin a chomhlíonadh nó a thagann salach nó a d'fhéadfadh teacht salach ar leasanna, spriocanna agus pholasaithe Fhoras na Gaeilge agus féadfaidh sé go dtionscnófar gníomh smachtaithe in aghaidh an fhostaí sin lena n-áireofaí briseadh as post.

Infheidhmitheacht

Gach fostaí de chuid Fhoras na Gaeilge.

Sainmhíniú

Ní cheadmhach do lucht bainistíochta ná d'fhostaithe a bheith páirteach i bhfostaíocht/leasanna gnó seachtracha atá ag teacht salach nó a d'fhéadfadh teacht salach ar aon ghnó de chuid Fhoras na Gaeilge. Dá bhrí sin, ní mór d'fhostaithe Fhoras na Gaeilge a chur in iúl i scríbhinn don Phríomhfheidhmeannach – a choinníonn taifead rúnda – aon leas nó choimhlint phearsanta nó teaghlach a d'fhéadfadh a bheith ann a d'imreodh tionchar ar a neamhchlaontacht maidir le cur i gcrích a gcuid dualgas más ann dá leithéid nó a luaithe agus a tharlaíonn a leithéid lena n-áirítear:

- Aon leas, scairshealbhú nó choimhlint leasa fhéideartha a bheadh ag fostaí le comhlacht nó eagrais óna gceannaíonn Foras na Gaeilge earraí, oibreacha nó seirbhísí,
- Aon fhostaíocht nó leasanna gnó seachtracha atá nó a d'fhéadfadh teacht salach ar ghnó Fhoras na Gaeilge,
- Aon leas de chuid ghartheaghlach fostaí a dtarlódh coimhlint leasa den chineál dá bharr,
- Aon choimhlint fhéideartha a d'fhéadfadh tarlú mar gheall ar bheith rannpháirteach i measúnú iarratas ar dheontas nó in údarú deontas de chuid Fhoras na Gaeilge ar mhaoiniú.
- Is ceart do bhall foirne éirí as oifig in aon eagraíocht a fhaigheann maoiniú, nó a dtiocfadh leis iarratas a dhéanamh ar mhaoiniú, ó Fhoras na Gaeilge nuair a dhéantar post a thairiscint i bhForas na Gaeilge don bhall foirne. Sa chás go bhfuil baint mar choisteoir nó mar shealbhóir oifige ag an fhostaí le heagraíocht agus gur mhaith leo cás a dhéanamh fanacht in áit san eagrais i gceist is féidir sin a dhéanamh i scríbhinn leis an Bhainisteoir Líne a chuirfidh an cás faoi bhráid an Phríomhfheidhmeannaigh agus ní bheidh dul thar a bhreith siúd.

Foras na Gaeilge
Nochtadh Leasanna – Fostaithe

- I gcás fostaí reatha beidh clár ama faoi éirí as oifig in eagrais a fhaigheann maoiniú, nó a dtiocfadh leis iarratas a dhéanamh ar mhaoiniú, ó Fhoras na Gaeilge le haontú leis an bPríomhfheidhmeannach. Is féidir le fostaí cás a dhéanamh i scríbhinn leis an Bhainisteoir Líne a chuirfidh an cás faoi bhráid an Phríomhfheidhmeannaigh agus ní bheidh dul thar a bhreith siúd.
- Caithfidh an Príomhfheidhmeannach éirí as oifig in aon eagraíocht a fhaigheann maoiniú, nó a d'fhéadfadh iarratas a dhéanamh ar mhaoiniú, ó Fhoras na Gaeilge nuair a thairgtear post an Phríomhfheidhmeannaigh i bhForas na Gaeilge di/dó, agus ní ceart di/dó glacadh le tairiscint poist / ról mar oifigeach ina dhiaidh sin in aon eagraíocht dá leithéid.

Láimsheáil Choimhlintí Leasa

- i. Sa chás go dtarlaíonn coimhlint leasa d'fhostaí, ní mór dó/di stad de bheith ag plé leis an iarratas ar dheontas, an chonradh nó an chás ina bhfuil coimhlint leasa nó choimhlint leasa fhéideartha, agus ní ceadmhach dó/di féacháil le haon tionchar a imirt ar chinní a bhaineann leis an chás.
- ii. Má tharlaíonn ceist an raibh nó nach raibh ceist coimhlint leasa ann d'fhostaí i gcás áirithe, ní mór an cheist a chur faoi bhráid an té dá bhfuil sé freagrach. Sa chás gur gá é, is é an Príomhfheidhmeannach a dhéanfaidh cinneadh ar an cheist agus ní bheidh aon dul thar a b(h)reith.
- iii. I gcás fostaithe a bhfuil baint acu le gníomhaíochtaí gnó seachtracha, go díreach nó go hindíreach, roimh fheidhmiú an Pholasaí Coimhlint Leasa nó sular fostaíodh ag Foras na Gaeilge iad, ní mór dóibh é seo a chur in iúl, i scríbhinn, dá Stiúrthóir agus cead a iarraidh leanstan le gníomhaíochtaí den chineál.
- iv. Ní mór do bhaill foirne cásanna a sheachaint ina bhféadfadh a leasanna pearsanta féin teacht salach ar leasanna Fhoras na Gaeilge. Ní ceadmhach, go háirithe, do bhaill foirne ar aon chúis baint a bheith acu den chineál gnó/comhairliúcháin le haon duine nó chomhlacht lena bhfuil nó lenar dóiche go mbeadh caidreamh ag Foras na Gaeilge seachas ina gcáil mar bhall foirne de chuid Fhoras na Gaeilge.
- v. Ní ceadmhach do bhaill foirne Fhoras na Gaeilge acmhainní nó am Fhoras na Gaeilge a úsáid chun a dtairbhe pearsanta féin, nó chun tairbhe daoine/eagraíochtaí nach bhfuil aon bhaint acu le Foras na Gaeilge nó lena chuid gníomhaíochtaí.
- vi. Tá sé toirmisceithe ar bhaill foirne deiseanna gnó a chuirtear faoina mbráid le linn a dtréimhse fostaíochta le Foras na Gaeilge a chur ó dhoras Fhoras na Gaeilge, chun a dtairbhe pearsanta féin,

Foras na Gaeilge
Nochtadh Leasanna – Fostaithe

- vii. Sa chás gurb é tuairim na Bainistíochta go bhfuil nó go bhféadfadh drochthionchar a bheith á imirt ag aon ghníomhaíocht lena bhfuil ball foirne bainteach ar a c(h)umas chun a c(h)uid oibre a dhéanamh go sásúil, nó go bhfuil nó go bhféadfadh coimhlint leasa tarlú dá barr, beidh sé de cheart ag Foras na Gaeilge á áitiú air/uirthi éirí as nó lagú siar ar an ghníomhaíocht sin.

12 Nollaig 2014

Dáta athbheithnithe Nollaig 2016